

կանացան նրա ղեկավարների իղձերը՝ այն դարձնել համաժողովրդական զանգրվածային պայքարի ակիզը։ Սակայն ժողովրդական ինքնաբերության այդ ընդլայնմը հայ լեռնաբնակ աշխատավորության ղեկավարության արդարացի պոռթկումն էր, նրա ցասումնալի բողոքը ոչ միայն տեղական հարստահարիչների, այլև նրանց հովանավորող ու գործակից պետական իշխանությունների ազգային ու սոցիալական քաղաքականության, նրանց բռնատիրության դեմ։

3. ԲԱՐԵՆՈՐՈԳՈՒՄԵՆՐԻ ՄԱՅԻՍՅԱՆ ՄՐԱԳԻՐԸ

Սասունի հերոսական մարտերը և դրանց հաջորդած կոտորածները լայն արձագանք գտան ոչ միայն երկրի ներսում, այլև միջազգային հասարակական շրջաններում։ Առաջավոր մարդկության բազմաթիվ ներկայացուցիչներ իրենց բողոքի ձայնը բարձրացրին սուլթանի բռնությունների ու ջարդարար քաղաքականության դեմ։ Նրանք պահանջում էին մեծ տերություններից միջամտել և զսպել սուլթանի կամայականությունները։

Անուշահրության մատնելով ինչպես հայկական շրջաններից եկող բողոքները, այնպես էլ եվրոպական ու ռուսական առաջադեմ մամուլում թուրքական զաւանուկությունները դատաւարտող մեղադրական հոգվածները և իր ղեսպանների միջոցով փորձելով մոլորության մեջ գցել համաշխարհային հասարակական կարծիքը, սուլթանն արգելեց օտարերկրացիների մուտքը Սասուն։ Բայց Արգուլ Համիդը, ստիպված, շուտով տեղի տվեց։ Մեծ տերությունների Կ. Պոլսի ղեսպանները պահանջեցին թուրքական կառավարությունից քննել հանձնաժողով ուղարկել Սասուն։ 1895 թ. հունվարին Սասուն ժամանեց հայկական ջարդերի պատճառներն ու հանգամանքները քննող կառավարական հանձնաժողով, որի կազմում որպես ղեկավարներ մասնակցում էին նաև Ռուսաստանի, Անգլիայի ու Ֆրանսիայի ներկայացուցիչները։ Հանձնաժողովի գումարած հարյուրից ավելի նիստերում հարցաքննվեցին տարբեր կարգ ու աստիճան ունեցող 190 հայ, թուրք, քուրդ վեհեր, որոնց ցուցումներն ամբողջովին մերկացնում էին օսմանյան վարչակարգը, նրա կատարած բարբարոսությունները։

1895 թ. մայիսի 11-ին Կ. Պոլսի անգլիական, ռուսական և ֆրանսիական ղեսպանները համաշխարհային հասարակական կարծիքի ճնշման տակ հայկական նահանգներում բարենորոգումներ անցկացնելու ծրագրի ներկայացրին Բ. Դոսերը։ Բարենորոգումների մայիսյան ծրագիրը բաղկացած էր 13 զլուխներից և 40 հոգվածներից։ Ըստ այդ ծրագրի վեց նահանգներում (Կարին, Բիթլիս, Վան, Դիարբեքիր, Խարբերդ, Սեբաստիա) կուսակալներ (վալի) պետք է նշանակվեին սուլթանի կողմից առանց կրոնի խտրության՝ հինգ տարի ժամկետով։ Նախատեսվում էր, որ նրանք ռոքոնց նշանակումը ընդհանուր ղեկավարության առիթ կտա, և կամ հասարակական ու քաղաքական պատճառներով անհամար կհամարվի, չպետք է նշանակվեն վալիի պաշտոնում²⁷։ Եթե կուսակալը մահմեդական էր, տեղակալը (մուավին) պետք է քրիստոնյա նշանակվեր և ընդհակառակը։

Գավառների (սանջակների) պետերը (մուլենսարիֆները) ևս պետք է նշանակվեին սուլթանի կողմից։ Այն գավառներում, որտեղ քրիստոնյաները

²⁷ «Հայաստանը միջազգային դիվանագիտության և սովետական արտաքին քաղաքականության փաստաթղթերում (1828—1923)», էջ 137։

մեծամասնությունն էին կազմում, գավառապետները ևս պետք է քրիստոնյա լինեին: Իսկ այն նահանգում, որտեղ միայն մեկ գավառ կար, գավառապետը պետք է անպայման քրիստոնյա լիներ, եթե կուսակալը մահմեդական էր: Կազաներում (գավառակ) կայմակամները նշանակվելու էին նահանգապետի առաջարկությամբ և սուլթանի հրամանով: Սակայն ամեն մի նահանգի քրիստոնյա մյուսթինարիֆների և կայմակամների թիվն ընդհանուրի մեկ երրորդից պակաս չպետք է լիներ: Նահանգապետերին, գավառապետներին ու գավառակապետներին կից և նրանց նախագահությամբ գործելու էին շուրս հոգուց բաղկացած ընտրովի խորհուրդներ, որոնց անդամներից երկուսը պետք է լինեին մահմեդական, երկուսը՝ քրիստոնյա: Պաշտոնատար անձինք խորհրդի անդամ լինել չէին կարող²⁸:

Կազանները բաժանվում էին նահիեների, Ամեն մի նահիե իր մեջ ընդգերկում էր մի շարք գյուղեր և ուներ իր վարչական կենտրոնը: Նահիեները կազմելիս պետք է հաշվի առնվեին մի զավանսության պատկանող գյուղերը, ինչպես նաև ազգազրական պայմանները: Նահիեն պետք է ունենար 2 հազարից ոչ պակաս, 10 հազարից ոչ ավել բնակիչ: Բնակչության կողմից ընտրված 4—8 հոգուց բաղկացած խորհուրդը ընտրելու էր նահիեի ղեկավար՝ մյուղդիր և նրա օգնական: Մյուղդիր ընտրվելու էր բնակչության մեծամասնությունն կազմող ազգի ներկայացուցիչը, իսկ օգնական՝ մյուս ազգությունից:

Մյուղդիրներն ընտրվում էին երկու տարին մեկ, իսկ խորհրդի անդամների կեսը՝ ամեն տարի: Նրանք հաջորդաբար մեկ անգամից ավելի չէին կարող ընտրվել: Նահիեի մեջ մտնող ամեն մի գյուղ ունենալու էր իր կառավարիչը՝ մուխթարը: Եթե գյուղը տարբեր դավանանքի բնակչություն ունեցող թաղամասերի էր բաժանված, ապա ամեն մի թաղամաս ունենալու էր իր մուխթարը:

Ոստիկանները պետք է նշանակվեին տվյալ նահիեի խորհրդի կողմից, առանց կրոնի խտրության և իրենց շառուչներով կամ օնրաշինքով (տասնապետ) զրկելու էին մյուղդիրների իրավասության տակ: Ոստիկանական ծառայության մեջ գտնվող ոչ մահմեդականները ազատվում էին զինվորական («բեղեղ-ասկերի») հարկից, նահանգներում ստեղծվելու էր ժանդարմերի՝ կազմված բոլոր ազգերից, առանց կրոնական խտրության և ենթարկվելու էր զինվորական օրգաններին: Նախագիծը նախատեսում էր դատական պործների արդարացի քննություն, ավազակախմբերի ասպատակությունների զսպում, քուլտոր ցեղերին նստակյաց կյանքի ընտելացում:

Անհրաժեշտության դեպքում համիդիե հեծելազորը կարող էր օգտագործվել միայն կանոնավոր զորքի հետ միասին, իսկ մյուս դեպքերում զրկվելու էր համազգեստ և զենք կրելու իրավունքից: Հատուկ հանձնաժողովի միջոցով պետք է քննվեին սեփականության հափշտակումներին վերաբերող դործերը: Հարկերի գանձումը պետք է կատարվեր ուղղակի՝ նահիեի խորհուրդների կողմից ընտրված և մյուղդիրի իշխանության տակ եղող հարկահանների միջոցով: Վերացվելու էին տասանորդի կապալով տալը և ըռնի պարհակները: Հավաքած հարկերից պետք է բաժին հատկացվեր տեղական վարչական, տնտեսական և կրթական ծախսերը հոգալու համար: Ազգաբնակչությունն ազատվելու էր զորքին և պաշտոնյաներին ձրի բնակարան, ապրուստի միջոցների տրամադրելու պարտավորությունից: Այս կետը չափազանց կարևոր էր, քանի որ

գործառնության կամ սուլթանի պաշտոնյաների գլուխներում մնալը շատ ծանր էր նստում հայ շինականի վրա։ Բարենորոգումների նախագծում բավական տեղ էր հատկացված նաև դատական գործի կարգավորմանը, ընդ որում, նախատեսվում էր, որ գավառականների հաշտարար դատավորների մեկ երրորդը պետք է քրիստոնյաներից լիներ։

Նման ծրագրի իրագործումը, ինչ խոսք, որոշ օրինականություն կմտցներ և վերջ կտար ահավոր շափերի հասնող զանցառություններին ու կամայականություններին։

Մայիսյան բարենորոգումների առաջարկը մերժելու համար թուրքական կառավարությունը դիմեց խորամանկ քաղաքականության. ցույց տալով, որ մեծ տերությունների ներկայացրած նախագիծը իրը շատ կարևոր է և իր համար ընդունելի, 1895 թ. հունիսի 3-ին Բ. Դուռը Ֆրանսիայի, Ռուսաստանի և Անգլիայի դեսպաններին ուղղված գրությամբ հայտնում էր, որ սուլթանը «արգարադատ համարեց շահմանափակել վարչական այս բարենորոգումների կիրառումը իր կայսրության միայն մի մասի մեջ, այլ բոլոր վիլայեթները նրանցով նպաստավորել»²⁹։

Իսկ մեծ տերությունները բարենորոգումների մայիսյան ծրագիրը կազմեցին և մի կողմ քաշվեցին։ Նրանց ավելի շատ հետաքրքրում էր իրենց գաղութատիրական շահը, քան սրի մատնվող հայ ժողովուրդը։ Անգլիայի ազդեցությունը գնալով ուժեղանում էր հայկական շրջանների վրա, քանի որ նա ձևացնում էր, թե իբրև Հայկական հարցի լուծումն իր ձեռքումն է։ Նման վիճակը հանգստություն չէր տալիս մյուս տերություններին, և պատճառ դարձավ, որպեսզի Ֆրանսիան և Ռուսաստանը միասնական ճակատ կազմեն Անգլիայի դեմ և իրենց հովանավորության տակ վերջնեն Քուրդիան։ Սկզբնց դիվանագիտական կատաղի պայքար։

1895 թ. հունիսի 25-ին ուսական դեսպան Նելիգովին ուղղած նամակում Շապին կարահիսարի 475 բնակիչներ նշում էին, որ բարենորոգումները նրանց համար նորություն չեն և ամեն անգամ, երբ հուլյան են կապել նրանց իրականացման հետ, հիասթափություն են ապրել։ Հայտնի է բոլորին, որ թուրքական կառավարությունը, անտեսելով իր իսկ օրենքները, իր քաղաքականության մեջ միշտ էլ առաջնորդվել է բարբարոսական մեթոդներով։ «Նորից հայկական ռեֆորմների իրականացման ծրագիրը հանձնարարել նորին սուլթանական մեծությանը, — գրում էին նրանք, — դա ծաղր չէ՞ արդյոք մեր հանդեպ։ Մեզ համար արդեն պարզ է, որ մեր շքուժված վերջերից պիտի առավել արյուն հոսի. մի կողմից տնտեսական ճգնաժամը, մյուս կողմից հայաժանրներն ու աներևակայելի տանջանքները մեզ վերջնական անկման կհասցնեն»³⁰։

Առարկելով մեծ տերությունների պահանջին, Բ. Դուռը գտնում էր, որ վարչական փոփոխությունները կզժվարացնեն կառավարման գործը, նահանգապետներ նշանակելիս օտար պետությունների կարծիքն հաշվի առնելը կհասկարի Օսմանյան կայսրության իրավունքներին, և որ անմեղ ձերբակալվածներն արդեն ազատված են, իսկ վտարանդիների գործերը քննելուց հետո կկարգավորվեն։ Առարկվում էր նաև Արևմտյան Հայաստանում առանձին կա-

²⁹ «Հայաստանը միապետության զինանգիտության և սովետական արտաքին քաղաքականության փաստաթղթերում», էջ 143։

³⁰ «Геноцид армян...», стр. 64.

առավարիչ նշանակելու, բռնի հավատափոխության հարցը կարգավորելու, Թուրքիայի մյուս շրջաններում հայերի շահերը պաշտպանելու դեմ և այլն: Երաշխավորվում էր, որ իբր հատուկ քննիչների միջոցով կկարգավորվի հողային բռնագրավումների հարցը: Այս բոլորը պատրվակ էին բարենորոգումների ծրագրի իրագործումը խափանելու համար, որի դեմ բողոքում էին հայ հասարակական խավերը, որը սկզբնապես արտահայտվում էր հաճախ խանութները չբանալու, աշխատանքի չներկայանալու և այլ ձևերով:

Անցան ամիսներ, բայց թուրքական կառավարությունը որևէ գործնական քայլ չէր կատարում բարենորոգումները կիրառելու ուղղությամբ: Հայ հասարակական շրջանների սպասողական վիճակը ծանր ու տագնապային էր: Ստեղծված ճգնաժամային դրությանը վերջ տալու համար նոր ելույթներ կազմակերպելու տարբեր ծրագրեր էին կազմվում, քանի որ բոլորը զգում էին, որ նորից Հայկական հարցը զոհ է գնում իմպերիալիստական տերությունների շահերին: Ակտիվ գործունեություն էին ծավալել այնպիսի հասարակական գործիչներ, ինչպիսիք էին Արփիար Արփիարյանը, Երվանդ Օտյանը, Արշակ Զուպանյանը և ուրիշներ: 1895 թ. սեպտեմբերի 30-ին Կ. Պոլսում հայոց մայր եկեղեցու բակում հնչակյանները կազմակերպեցին բողոքի ցույց, որին մասնակցում էր մոտ չորս հազար մարդ: «Մայիսյան ծրագրի» իրագործման պահանջով ցուցարարների թափորը՝ բաղկացած մշեցի, վանեցի, բաղնջի պանդուխտներից, պոլսեցի արհեստավորներից, կանանցից և աղջիկներից, շարժվեց դեպի Բ. Դուռը: Ցույցը կոչվեց Բաբ Ալիի սուլթանի նստավայրը) ցույց: Ցուցարարներն իրենց հետ տանում էին սուլթանի և եվրոպական տերությունների ուղղված հնչակյանների կազմած պահանջագիրը, որում նկարագրված էր հայ ժողովրդի ծանր կացությունը, հատկապես նշվում, որ Բ. Դուռը կառավարական սկզբունք է դարձրել թնաջինջ ընել հայերը և պարպել իրենց հայրենիքը³¹: Պահանջագիրը բողոքում էր գոյություն ունեցող անարդարության դեմ և խնդրի դնում ապահովել հայ ժողովրդի խաղաղ կյանքը, վերջ տալ անօրենսություններին: Այդ պահանջները «անհրաժեշտ է թե՛ հայերուն ընդհանուր ապահովության ու բարեկեցության համար,— ասվում էր պահանջագրում,— և թե՛ այն տարրեր ժողովուրդներուն համար, որոնք մեր երկիրը կը բնակին և որոնց հետ մեր շահերը նույնն են»³²:

Միաժամանակ հնչակյանները նախօրոք եվրոպական տերությունների դեսպաններին հայտնեցին ցույցի խաղաղ բնույթի մասին և զգուշացրին, որ զինվորական մարմինների միջամտությունը կարող է ծանր հետևանքներ ունենալ, որի ամբողջ պատասխանատվությունն ընկնում է օսմանյան կառավարության վրա: Այդ հայտարարության թուրքերեն օրինակը ուղարկվեց գերագույն դատարանի նախագահին և դատախազին:

Ցույցից առաջ օրիորդ Մարի Պելլերյանը մի հուզիչ ճառով կոչ է անում պատրիարք Իզմիրլյանին և խնդրում դիմել եվրոպական տերություններին հայերին ծանր վիճակից փրկելու: Եվ ապա ամբոխը՝ «Չայնը հնչեց էրզրումի հայոց լեռներն» երգելով, շարժվում է դեպի սուլթանի պալատը: Ոստիկանները կտրում են ցուցարարների ճանապարհը: Ցուցարարները խնդրում են թույլատրել զենք երկու հոգու խնդրագիրն արքունիք հանձնելու: Այդ պահին

31 «Պատմություն Ս. Դ. Հնչակյան կուսակցության, 1887—1962», հ. Ա, էջ 155:

32 Նույն տեղում, էջ 156:

արքունի թիկնապահ Սերնվեթ բեյը շտապ մոտենում է Բաբը Ալիի հազարապետին և հանձնում նրան ցուցարարներին զնդակահարելու հրամանը։ Սկսվում է ջարդը։ Գավառացի 18-ամյա Աբրահամը ատրճանակի կրակոցով ձիուց ցած է զլորում Սերնվեթ բեյին։ Թուրքական կառավարությունը, տեղյակ լինելով իրադրությանը, վաղօրոք ռազմական պատրաստություն էր տեսել։ Շուտով զորքը և խուժանը փակում են ցուցարարների ու նրանց միացած խոշոր բազմության ճանապարհը և սկսվում է սոսկալի ջարդը։ Գուցարարները պաշտպանվում և դիմադրում են։ Բերա և Ղալաթիա թաղամասերը տակն ու վրա են լինում։ Սպանվում է զորքի հրամանատարը։ Ամբողջ քաղաքում հալերի բնդհանուր ջարդ է սկսվում, որին զոհ է գնում մոտ երկու հազար հայ։

Այս բոլորը հետևանք էր այն բանի, որ հվրոպական դիվանագիտությունը ոչ մի գործնական քայլ չարեց։ Թուրքական կառավարությունը համոզված, որ մեծ տերությունների միջամտությունը դիվանագիտական ձևակառույցներին ցանկացած շեղում չէր անցնելու, ահավոր ջարդեր կազմակերպեց հենց մայրաքաղաքում՝ բազմաթիվ երկրների դիվանագետների աչքերի առջև³³։ Զարդերից հետո մեծ տերությունների դեսպանները մի ողորմելի և ոչինչ չասող դիմում ուղարկեցին Թուրքիայի արտաքին գործերի մինիստրին։ Սուլթանը երկրում ծավալվող բնդհանուր զայրույթը կասեցնելու համար 1895 թ. հոկտեմբերի 18-ին համաձայնվեց ստորագրել մայիսի 11-ի ծրագիրը, մտցնելով նրա մեջ այնպիսի փոփոխություններ, որոնք տեղ էին թողնում բռնությունների համար։

Սուլթանը ձեռն համար Շաքիր փաշային նշանակեց նույնպես բարենորոգումներ անցկացնող կոմիտար, սակայն նա ոչ միայն չկատարեց իր խոստումը, այլև նոր, ահավոր ջարդեր կազմակերպեց։ Ժամանակին շատերը սուլթանի կողմից հրատարակած բարենորոգումների հրովարտակը որակեցին որպես բնդհանուր կոտորածի յուրատեսակ ազդանշան։ Իսկ բարենորոգումների գործնական հսկողության տակ վերջրած պետությունները հայ ժողովրդին որևէ օգնություն ցույց չտվին։

4. ԶԵՅԹՈՒՆԻ 1895 թ. ԱՊՍՏԱՄԲՈՒԹՅՈՒՆԸ

Սուլթանական կառավարության ջարդարարական քաղաքականության դեմ ղենթը ձեռքներին՝ իրենց կյանքը, պատիվն ու հայրենի հողը պաշտպանելու էլան Զեյթունի քաջամարտիկները։

Տակավին 90-ական թվականների սկզբներից սաստկացած հարստահարություններն ու դրանց դեմ Զեյթունի ու հարևան բնակավայրերի հայությանը ընդգլգումները լարված իրադրություն էին ստեղծել երկրամասում։

Հայաթանքներն ավելի սաստկացան 1892—1895 թթ.³⁴ Զեյթունի կառավարիչ Քևֆիկ բեյի և 1898 թ. նրա պաշտոնանկ արվելուց հետո որոշ ժամանակ կառավարիչ պարտականություններն ստանձնած Զեյթունի գառավոր (կադի) Սուլեյման բեյի կառավարման տարիներին։ Ահավոր կեղեքումները, բռնություններն ու զանգվածային բանտարկությունները ծայրահեղորեն սրել էին իրավիճակը։ Իշխանություններն ստիպված մի շարք թուրք պաշտոնյաների պաշտոնազրկեցին։ Զեյթունի նոր կառավարիչ նշանակվեց Ավնի բեյը, որը

³³ ՏՆ՝ Ան, Թուրքահայ հեղափոխության զազափարաբանությունը, հ. Ա, էջ 184։